






48958/8

645

Don't Bury.



Digitized by the Internet Archive  
in 2019 with funding from  
Wellcome Library

<https://archive.org/details/b30509233>

JOANNIS SOGRAPHI  
IN PATAVINO GYMNASIO

PUBLICI CHIRURGIÆ PRACTICÆ  
PROFESSORIS

EXERCITATIO  
ANATOMICO-CHIRURGICA

Habita VII. id. Decembris Ann.

CIDIOCCCLXV.

IN QUA

THEORIA LYMPHÆ DUCTUUM

Ex observationibus

HUNTERI, MONROI,

Et propriis exponitur, & ad Praxim  
Chirurgicam refertur.



PATAVII. CIDIOCCCLXVI.

TYPIS COMINIANIS.

*Superiorum Permissu.*

303670

THE JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 40 PART 1  
1910  
PUBLISHED BY THE  
LONDON AND WINDSOR  
PRINTING CO. LTD.  
LONDON AND WINDSOR



WINDSOR, ONTARIO  
CANADA  
1910

303674





TRIUMVIRIS  
REI LITTERARIÆ MODERATORIBUS  
ANGELO CONTARENO  
ÆDIS D. MARCI PROCURATORI  
ANDRÆ TRONO  
EQUITI  
HIERONYMO GRIMANO  
SENATORI AMPLISSIMO  
*Totique Triumvirum litterariorum ordini  
Præstantissimo.*

JOANNES SOGRAPHI F.



DISSERTATIONEM

*banc a me hoc  
anno in Gymnasio ex officii institu-  
to pronunciatam publici juris factu-*

A 2                    rus,

*rus , ut Vestris nominibus splendidi-  
 diffimis inscripta prodiret , ac tan-  
 tis gauderet auspiciis , vehementer  
 desideravi , tum ut industriæ qua-  
 liscumque meæ in obeundo munere ,  
 quod mihi in Gymnasio & in No-  
 socomio exercendum liberaliter ab  
 Amplissimo Ordine Vestro collatum  
 est , specimen leve licet & exiguum  
 offerrem , tum ut in eo discrimi-  
 ne , quod omnes subire solent , quot-  
 quot judicium de se hominum qua-  
 runt famamque tentant , eorum mi-*

*hi*



*bi præsidium compararem, quorum  
 auctoritate ac sapientia studia hæc  
 nostra foventur, regunturque. Quæ  
 differendo exposui, & quæ ad do-  
 ctrinæ complementum adjeci eo a  
 me sine scripta editaque sunt, ut  
 Optimis Adolescentibus qui Chirur-  
 gicæ Arti operam navant observa-  
 tiones aliquæ innotescerent nuper a  
 Celeberrimis Viris habitæ & expe-  
 rimentis a me sumptis ~~sum~~ illu-  
 stratæ, quarum applicatio utilissi-  
 ma indicaretur ad rationalem Chi-*

*rurgie partem cujus cultus ab ejus  
 quæ manuum opera utitur cultu  
 sejungi absque errore, aut Artis  
 detrimento nequit. Artis enim ejus-  
 dem fundamentum est notitia fa-  
 bricæ corporis humani, nec illa  
 tantum exterior & obvia, sed pe-  
 nitior atque subtilior, ubi ipsam ob-  
 servando attingere datum est, quip-  
 pe cum ex hac & morborum ob-  
 scuriorum evolutio ac cognitio de-  
 pendeat, & via indicetur per quam  
 vis remediorum efficacius propage-*

*tur.*

tur. Quam autem suscepi illustrandam in hac dissertatione *Economice animalis* pars ad systema vasorum pertinet ob tenuitatem diu ignoratum, deinceps lymphæ ductuum nomine notum quidem, sed minus apte explicatum, cum tamen ejusdem officium & multiplex & late patens in corpore sit, quo fit ut sperem neque observationum harum subtilitatem curiosam accusatum iri, neque doctrinam ob novitatem minus gratam futuram. Quod reli-



quum est , deum veneror , ut vos  
Gymnasii hujus bono diutissime in-  
columnes florentesque velit.

Patavii Kal. Mart. MDCCLXVI.



**I**NTER ægritudines  
Chirurgicis præsi-  
diis curandas, quæ  
glandulis conglo-  
batis insident, ac  
vasorum lymphati-

corum systema afficiunt, pertinaci  
indole, obscura genesi, progressu mul-  
tiformi, remediorum adhibendorum  
difficultate plurimum operæ atque la-  
boris postulant, industriam non rarò  
medentium frustrantur, incertis præ-  
sertim indicationibus circa easdem exi-  
sten-

stentibus , quod minus nota ea pars huc usque fuerit Animalis Œconomix , quæ ad eorum usum , & leges pertinet . Praxis diuturna & experientia multa docuit circa eorum morborum cognitionem & curationem : majora utique doctura , si earum glandularum , si Lymphæ ductuum , si lymphæ circuitus usu cognito fuisset illustrata . Morborum hoc genus sunt strumæ , Bubones Veneri , & pestilenciales , Scirrhi , & Cancri , Tabes glandularis , & Atrophia , quorum qui ad Artem pertinent Chirurgicam , ignorat nemo , quam sæpe fallaci spe , quam alias diris cruciatibus , quam raro tutis præfidiis curentur . Nam qui Topicis remediis eos morbos curare aggrediuntur , aut qui ferro aut igne idipsum perficere suscipiunt , etiamsi eorum omnium adhibendorum opportunitas adsit , caute diligenterque distinguenda , nisi tamen origines causasque in universa Œconomia scrutari , ac pervide-



\* \* III \* \*  
\* \* \*

videre, possint, plurimum ac turpi-  
ter sæpe falluntur. Quo vero pacto  
ratiocinationem debeant instituere, ii  
magis agnoscunt, qui animalis Œco-  
nomiæ leges ad hoc vasorum systema  
pertinentes penitus introspexerunt.  
Cum itaque munus ab Excellentissimis  
rei litterariæ Triumviris impositum  
mihi, ut hodierna die ex hoc loco  
honoris plenissimo dicam, ita sub-  
eundum esse intellexerim, ut argu-  
mento aliquo & utilitate & dignita-  
te spectabili Optimos Adolescentes al-  
loquerer, tractationem hanc in praxi  
utilissimam, de morbis, in Lympha-  
ticorum systemate sedem habentibus  
instituere decrevi, atque notionibus  
ab Anatomicis, & Physiologicis ra-  
tiociniis desumptis, illustrare ac evol-  
vere. Ex eo enim pertinax imprimis  
eorum morborum indoles est, quod in  
minimis vasculis sedem habent, sub-  
tiliusque humani corporis fluidum,  
nutritionis proximam materiam affi-  
ciunt: late idcirco & ex-peculiari  
ipso-

ipforum ductuum structura in corpore  
 propagentur: quippe cum systema hoc  
 lymphaticorum instrumentum pluri-  
 marum consensionum in corpore ha-  
 beatur. Quoniam vero non alia ra-  
 tione difficilium morborum recte su-  
 scipi curatio potest, nisi eorundem  
 Ætiologia certius constet, atque ex  
 Anatomies datis & animalis Œcono-  
 miæ legibus derivetur, unde indica-  
 tiones firmiores, evidentioresque col-  
 ligantur; præsentī Exercitatione per  
 eas disciplinas, dicendo, juvabit ex-  
 currere, atque ad certius ponendam  
 doctrinam morborum, qui sedem ha-  
 bent in systemate Lymphaticorum,  
 ex Anatomicorum Celeberrimorum  
 nuperis observationibus, & experi-  
 mentis a me iteratis nonnulla pro-  
 ferre. Quare Exercitationem hanc  
 ita tribuo, ut primum quid pro com-  
 perto haberi queat circa originem  
 lymphæ ductuum sim propositurus.  
 Secundo loco, quid ex ea doctrina  
 in Œconomia Animalis scientia &  
 Praxi

Praxi Chirurgica circa morbos in glandulis conglobatis & vasis Lymphaticis sedem habentes consequatur, observatione ac ratione demonstrem.

Lymphæ ductus primi detexerunt inter Anatomicos illustres, Rudbeckius, aut ex nonnullorum opinione Bartholinus, (a) a quibus circa dimidium sæculi XVI. & observati & perspicue descripti sunt, ut tamen & ipsi, & qui sequuti sunt Anatomici de eorundem vasorum origine & officio, incerta aut obscura protulerint: illud vero constiterit, Lymphæ ductus undique in corpore a partibus mollibus ad Thoracicum ductum petere, exceptis cerebro, cerebello, & spinali medulla. Sunt autem generatim lymphæ ductus exilia vascula, pellucida, irritabilia, (b)

( 1 )

(a) Ex observatione tamen annorum, quibus uterque sua scripta de inventis lymphæ ductibus edidit, constat sua primum protulisse Rudbeckium. Vid. Append. num. 3.

(b) Haller Elem. Physiolog. lib. II. sect. 3. §. 3. Boerhaav. Prælect. Academ. Tom. II. §. 250.



( 1 ) humorem tenuem , acquosum , a plerisque corporis partibus ad commune cavum vehentia , quæque constanti semper directione versus idem cavum progrediuntur , nunquam contraria , innumeris & frequentissimis referta valvulis , in chyli receptaculum & ductum thoracicum finem nanciscuntur . Sanguifera vasa comitantur ubique , atque in suo decursu glandulas adeunt , quæ singulare genus constituunt , & conglobatæ ab Anatomicis appellantur , in quibus tot morborum genera Chirurgica arte tractandorum origo observatur . Conglobatas vero glandulas referre figura sua corpuscula oblonga , olivaria : pro varia ætate diverso modo eas glandulas se habere , in pueris plures , majores , sensim numero & magnitudine decrescere , ætate procedente , ex observationibus Anatomicis constat . Præterea singulæ intra cel-

( 1 ) Vid. Append. num. 1.

\* \* VII \* \*  
\* \* \*

cellulosam telam consistunt ita , ut non eidem firmiter connexæ sint , sed aliqua gaudeant mobilitate , aliqui solitariae & sparsæ , alias statim sub cute in acervos collectæ , modo in agmina dispositæ , eademque ratione intra cava corporis disseminatæ . Quapropter præter eas , quæ viscera singula perreptant , faciei , maxillis , cervici , occipiti plures , itemque Pharyngi obtigere : quibus in partibus Atheromata , Steatomata Melicerides , Testudines , Scrophulæ , Parotides , frequentissime observantur . Porro nonnullæ supra claviculas , sub Axillis , in inguinibus statim sub cute , & in artubus inferioribus disseminatæ sunt , quas Veneri Bubones , & Pestilenciales , fere semper aggrediuntur . Quæ porro morborum species utcumque pro varia materiæ indole quam continent , nominibus variis insignitæ sint , singulæ tamen quatenus in glandularum conglobatarum systemate consistunt

stunt, nequaquam inter se discrimi-  
nantur, eademque ferme ratione cu-  
rari hætenus consueverunt. Constant  
illæ glandulæ ex cellulosa tela (c)  
compacta & pressius stipata, sangui-  
feris vasis ditissima, nervis verò pau-  
cissimis, oculi aciem fugientibus, id-  
eoque obtuso admodum sensu prædi-  
tæ sunt, quo fit, ut vix dolorifici  
morbi sint, qui eas tantum aggre-  
diuntur, nec consensu quodam par-  
tes vicinas inflamment, & afficiant.  
Interior vero earumdem substantia  
spongiosa apparet, succo in juniori-  
bus albo, copiosiore, lactique simili  
occupata; in adultis parcior, cine-  
reo, cæruleo, versicolore. (2) Ex  
his sequitur, ut glandularum ista-  
rum morbi lente admodum erumpant,  
accumulentur sensim, nunquam, aut  
saltem vix doleant, difficilime sol-  
vantur, cæteris multo se-  
men-

(c) Haller primæ lineæ Physiolog. Cap. VIII.  
num. 186.



mentur, atque nonnisi prægressa opportuna sanguinis totius temperatione, optime sanari queant.

Glandulis istiusmodi Mesenterium confertissimis instructum est lymphæ ductus comitantibus, pariterque vasa istiusmodi nullibi numerosiora aut magis evidentia duplici munere funguntur, chylum nimirum ex intestinorum cavo absorbendi, ubi adsit, eoque deficiente lympham. Atque horum quidem observatio ad ceteros lymphæ ductus detegendos duxit Anatomicos, qui tamen ut manifestè horum ortum ex intestinorum cavo cognoverunt, non ita facile porro aliorum origines perspexere, immo in varias admodum abiere sententias. Namque Malpighius, (d) cum certi quicquam hac de re detegere non potuerit, conjecturæ tantummodo innixus, lymphatica vasa a minoribus exoriri glandulis, easque

B ipso-

(d) De structura glandularum conglobatarum.

ipforum origines esse constituit. Verum cum Nuckius (e) per iniectiones aeris & mercurii in arterias venasque sanguiferas utrumque hoc fluidum subire lymphæ ductus observaverit, ab istiusmodi vasis oriri lymphatica tradidit, cumque in peragenda iniectione vesiculas attolli quasdam viderit, opinatus est lymphæ ductus modo per interpositam cellulofam telam, modo immediate cum venis & arteriis communicare. Cui porro Nuckii doctrinæ adversatus Cowperus (f) experimentorum ope cellulas hæc interpositas rejecit penitus, proposuitque veram lymphæ ductuum originem ex sanguiferorum vasorum cavo esse repetendam. Quam Cowperi opinionem Boerhaavius præfertim (g) & Physiologi ferme omnes amplexi sunt; ad quam addiderunt aliqui lymphæ ductuum primordia, five

(e) Adenographia pag. 52.

(f) In introduction to Bidolods Plat. p. 5.

(g) Institut. Medic. §. 242. 246. usque ad 250.

sive radículas , non modo cum arteriis venisque Sanguiferis convenire , atque per utrumque hoc vasorum genus inflari & repleri posse : verum etiam cum secretoriis & excretoriis glandularum ductibus communicare , atque ex cellulosa tela , ex magnis cavis , ex venis minoribus , & decoloribus oriri . (h) ( 3 )

Cum hæc non levi inter Physiologos aut dissensu , aut obscuritate traderentur , Celeberrimi duo in Britannia Viri , quorum alter Alexander Monrous junior Edimburgi , alter vero Gulielmus Hunterus Londini , novis experimentis lymphaticorum origines & munera certius designasse visi sunt , acri oborta inter eosdem lite de inventæ præstantissimæ doctrinæ gloria utri tribuenda ; eamque doctrinam cum non satis vulgatam adhuc inteligerem , experimentis , quæ Viri illi celeberrimi sum-

B 2                      pse-

(h) Haller Elem. Physiolog. lib. II. Sect. III.  
§. IV. V. VI.



pferunt , a me iteratis , confirmatam exponere volui , ex qua tertium circuitio- nis genus in corpore innotefce- re , ac ftatui poffe videtur .

Inje&ta igitur in arteriam sple- nicam vituli aqua tepida , in tenuif- fimos ipfius ramos fe fe penetravit , & utcumque vim impulfionis auge- rem , non fubivit vafa lymphatica . Eodem fa&to periculo in venam Sple- nicam , & pauca vi inter iniicien- dum adhibita ; poftmodum vero pa- rumper manibus agitato liene , mox vafa lymphatica luculenter appa- ruere .

In altero liene , Mercurio mo- deratè inje&to in arteriam Spleni- cam , fe fe per ramos ejufdem ali- quantulum penetravit , & tandem fenfim aucta preffionis vi intra non- nulla vafa lymphatica fubftitit . Vi vero maxima adhibita , difrupta funt ilico vaforum extrema , & vafa lym- phatica elegantiffime , repleta funt . Porro idem periculum repetens per

ve-

venam Splenicam , eâdem adhibita Mercurii quantitate , eâdemque ferè iniicendi altitudine & vi , restitit intra venosa vasa Mercurius ; sed vix auxi vim & pondus , subiit undique Mercurius lymphatica vasa , ita ut evidentissime apparuerint . Hoc autem confecto , ut certius detegerem , num subiisset Mercurius lymphatica vasa ob disruptionem extremitatum vasorum sanguiferorum , sequenti ratione alterum experimentum sum executus .

Nimirum liene Mercurio turgescente suspenso , curavi , ut quantum fieri poterat Mercurii per venam , per quam injeceram , egrederetur , quod & manuum pressione supra lienis superficiem leniter sollicitavi . Artificio hujusmodi pleraque pars ipsius egressa est , ita ut nonnisi portio quædam alicubi adhuc superfuerit intra vasa venosa , minora , & vasa lymphatica : tum vero iterum per eundem venæ truncum Mer-

curium lenissima vi inieci , qui suo pondere actus, ilico vasa singula venosa & lymphatica rursus replevit. Ex quo conficio , quod si ab extremis sanguiferorum finibus pateret via cuicumque fluido in lymphatica vasa , idem contingere debuisset , cum prima vice injectus est Mercurius .

His habitis in arteriam Spermaticam vituli Mercurium lente impuli , sensimque vim auxi ; nunquam tamen impellere potui in venam sociam , nisi quando impulsione vi plurimum aucta , vasa tandem lymphatica replevi . Idem contigit , cum per venam Spermaticam & vas deferens Mercurium adegi : in quo tamen animadverti , Mercurium multo citius , & minori vi adhibita semper subiisse vasa lymphatica , cum per venæ truncum injectio facta fuit , quam cum per truncum arteriæ , quod quidem ex majori arteriarum robore pendere manifestum est .

In altero teste vitulino inieci



vi magna Mercurium per arteriam Spermaticam, eâque disrupta parum Mercurii subiit venam, sed citissime per cellularem testiculi textum diffusus in lymphatica se se penetravit.

Materia ceracea (4.) Monroi more præparata & injecta leniter in arteriam Hepaticam pleramque ramorum ipsius partem replevit, neque vasa lymphatica prodierunt: impulsionis vi aucta, mox in ea se se penetravit ita tamen, ut rami plurimi exiliores arteriæ ipsius injectam ceram non receperint. Injecta igitur secunda vice eâdem materia, & fortius acta, per ramos fere singulos se se penetravit, multòque plura lymphatica vasa apparuere.

Ex quibus non tantum, sed & ex iis, quæ Monrous & Hunterus, in liene, jecinore, intestinis, mesenterio, experimenta sumpserunt, luculentissime compertum esse arbitror, origines vaforum lymphaticorum minime repetendas esse ex venis & ar-

teriis, aut ductibus extretoriis, neque ab his in illa patere injecto cui-cumque fluido viam, neque idcirco liquidis juxta naturæ leges ea omnia vasa perfluentibus: sed lymphæ ductus constituere peculiare canalium absorbentium genus, quod indole, usu, proprietatibus respondet lacteis vasis, quorum cum præcipuum sit munus, ut liquores in intestinis contentos absorbeant, deferantque ad Thoracicum ductum; istorum porro sit, ut generatim in universo corpore subtiliora fluida identidem in cellulas secedentia ad Thoracicum ductum devehant. Quare Lympha, prout morbo vario quandoque corpus afficitur, colore vario perfunditur; atque flavescit, si causæ cujusvis impetu fundatur bilis, cumque humoribus permisceatur ita, ut contenti intra cellulas liquores ipsi flavescant: qui si spissitudinem aliquam præferant, neque facile per minima vasa moveri queant, aucta sensim



sim ab adveniente nova fluidi quantitate, ipsorum copia, prima fiunt in glandulis obstructionis indicia, & eorum morborum, quos frigida naturæ Chirurghi vocant, prima observantur symptomata. Rubet quandoque videlicet ubi sanguinis effusio aliqua fit, quemadmodum in gravioribus inflammationibus, sanguine ex disruptis tenerrimis vasculis lymphatica subeunte, quod multo clarius Wepferi experimento confirmatur. Ipse namque (i) arsenico cani propinato, hujusque veneni vi paulò post enectò, comperiit præter cætera, sanguinem in lactea vasa influxisse, quod tota Ventriculi & intestinorum cavea cruore spumoso, viscido, ob lacerationem parietum ab corrodeute veneni vi suffunderetur. Quibus autem agitata viribus vasa hæc lymphatica humorem suum deferant in Thoracicum ductum, quid boni

(i) De Cicuta Aquat. p. 300. 1. 2.



boni præstet hoc systema vasorum ex nova perspecta origine derivatum in Œconomia animali, quid tandem in Chirurgia facienda, illud est, quod secundo loco explicare constitui.

Ergo cum lymphæ ductus usu, indole, & proprietatibus congeneribus lacteis vasis omninò respondeant, viribus quantum ego arbitror, & legibus prorsus persimilibus, hæc urgere lympham, ut vasa lactea Chylum, aut liquores alios ad judicandum adducor. Nam præter vim illam solidis partibus insidentem, quæ in contenta fluida, ab iisdem evoluta exeritur, mechanicæ ille ipsæ rationes, externa pressio videlicet, & valvularum numerus, quibus confociatis absorptus in lactea Chylus nulla vi trusus promovetur sensim & sollicitatur, eundem in lymphæ ductibus præstant effectum: quippe lymphæ ductus arteriis micantibus contigui a natura positi sunt, ut ipsarum pulsu, tum muscutorum motu,

& vi-

& viscerum alterna respirationis actione succussionem aliquam paterentur. Ne vero motus idoneus urgendæ lymphæ per suos ductus inutilis redderetur, valvulis plurimis, sibi que proximis lymphatica vasa natura munivit, quarum idcirco non illud tantum singulare munus est, ut lympham urgeant, ejusque motum perenni actione conservent, quemadmodum a Nuckio (1), Listero, (m) & Bergero (n) propositum est: neque ut impedimento forent regressui lymphæ sicuti venis datæ sunt, ne sanguis retroagere possit: namque multò pauciores, & una tantum valvula id præstare potuisset; neque tandem, ut quasi totidem retinacula parietum, eorundem distensionem ultra valvularum superficiem impedirent, ut Hambergero placuit (o):

ve-

(1) Adenograph. cap. 3. p. 44.

(m) De Humor. cap. 23. p. 230.

(n) Phys. Med. p. 83.

(o) Physiolog. med. §. 774. 775.

verum princeps ipfarum munus & singularem actionem ab earundem numero potiffimum & frequentia derivandam esse constituo . Ipsa namque valvularum frequentia & numerus facit , ut lymphæ ductuum capacitas in totidem minora interval- la dispertita fit & diminuta . Hinc cum externa pressio quælibet levif- fimæ fluidi quantitati prædicta ra- tione dispertitæ communicetur faci- le , eadem fluidi nullo modo regref- furi quantitas ita propelli poterit , ut ipsius ascensus a proxima supe- riori valvula sollicitetur plurimum & adjuvetur . Quod si majori fluidi quan- titati eâdem externa minima pres- sione , motus fuisset communicatus , vis inde consecuta totam fluidi mas- sam ultra primam valvulam urgere nunquam potuisset . Ex quibus ma- nifestum est , lymphæ ductus , qua- tenus ob positionem suam contigui sunt causis agentibus , valvulisque nu- mero & frequentia plurimis instru- etis ,



Et, resorptam a cellulis lympham urgere sensim & promovere. Quod si quærat quid boni peculiare hoc systema vasorum lymphaticorum conferat, adducendo ex universo corpore lympham in ductum Thoracicum; quænam sit systematis hujus canalium absorbentium necessitas, cum jam ex communi Physiologorum sententia resorptio per venarum rubrarum hiantia oscula fiat. Hanc primum sententiam Hunteri elegantissimis & accuratis experimentis (5) fere infirmari, animadvertam & lymphæ auttenui fluido sanguinem adituro solam lymphæ ductuum patere viam demonstrari. Quapropter rationi maxime consentaneum arbitror, & Œconomix animalis integritati congruens in primis esse, ut pars aliqua tenuissimi humoris lymphatici cum redeunte sanguine ab universo corpore per venam cavam commisceretur, qua non modo ipsius acrimoniæ circumeundo acqui-

quisitæ nonnihil prospiceretur, verum etiam perenni fluidi additione, lentoris ejusdem & visciditatis nimiae, quoad fieri posset, sic satis adimeretur. Namque ex utroque hoc vitio sanguinis morbi plures ad Chirurgiam pertinentes, per corpus universum erumpunt, iique præsertim, qui a prava ipsius diathesi cum exoriantur, utcumque vario se se prodant adspectu, ex inflammationis tamen spectata genesi, inflammatorii vocantur. Idem porro vitium si lymphæ tantum obtineat, subsistente sensim intra conglobatas glandulas, quas numerosi adeunt lymphæ ductus singula morborum genera superius recensita exoriuntur, usque dum symptomatum successione multiplici, finem aliquem nanciscantur. (6) Quod vero lympham sanguini commisceri natura præstituerit, id optimo consilio factum fuisse videtur, ne videlicet redux sanguis ab universo corpore, lym-

lymphæ & chyli partibus nutritiis destitutus subiret cordis transitum. Nam præterquamquod nutritius liquor per vasa lymphatica advehitur, atque actione corporis totius magis elaboratus, acquirit præterea id omne, quod a resorptione corporis ipsius adiicitur. Quod enim efficiunt lactea vasa respectu intestinorum, præstant lymphæ ductus respectu totius. Quod vero Lymphæ tenuis & saponaceæ naturæ liquor sit, per ductus advecta suos & immixta chylo, ipsum animali naturæ assimilat: & si sola sanguinem adeat, cum ipso prompte commiscetur, ejusque cursum per cor & Pulmones faciliorem reddit: quippe maxime necessarium erat, ut lentor & acrimonia chyli & sanguinis in cava & prope cor quodammodo temperaretur. (7)

Ex quibus conjici jure potest, unicum esse in vivente corpore systema vasorum absorbentium, illudque



que esse systema lymphaticorum ,  
 quod accurata plurimorum morbo-  
 rum observatione, eorumque præfer-  
 tim, qui glandulas obsidere solent ,  
 confirmatur. Nam quod lymphæ du-  
 ctus adeant numerosi conglobatas glan-  
 dulas , fit propterea , ut si quid in  
 resorpto ab iis liquore maligni deli-  
 tescat , subsistat ilico intra easdem ,  
 neque continuo ad cor deferatur :  
 quippe constat luculentissime Bubo-  
 nes Venereos ex impuro contagio per  
 vasorum lymphaticorum oscula in in-  
 terna urethræ facie hiantia tradu-  
 ctō, in conglobatis inguinis glandu-  
 lis exoriri, putrido ibidem hærescen-  
 te seminio. Quod si sanguis primum eo  
 veneni genere inficeretur, atque post-  
 modum per circuitionem ad inguina de-  
 poneretur, mirari profecto subit, re-  
 cte monente Monroo, (p) cur non po-  
 tius Parotides, Axillares, Cervicales,  
 quam

(p) Alexander Junior de venis lymphaticis valvu-  
 losis & de earum imprimis origine. Disert.  
 Berolini. 1757.

quam Inguinales glandulæ intumesce-  
rent . Idem porro nutricibus infan-  
tes lue Venerea infectos lactitantibus  
sæpe contingere observamus, & ab Hun-  
tero animadversum est (q); quippe  
quibus conglobatæ primum axillares  
glandulæ tumescentes non dubia ex-  
hibent acquisitæ luis indicia . Potissi-  
mum vero, atque in Anglia præser-  
tim observatum symptoma est in Va-  
riolarum inoculatione , videlicet ut  
axillares intumescant glandulæ ejus  
partis , in cujus brachio incisio fa-  
cta fuit , ut Variolarum seminium  
immitteretur . A mammarum inflam-  
matione fere semper consequi glan-  
dularum axillarium tumescentiam ,  
præsertim si morbus in scirrhum ab-  
eat , frequenti observatione confirma-  
tum est ; ut idcirco recte possit de-  
finiri Lymphaticorum morbos , qui

C.                      glan-

( q ) Medic. Comm. in quo multo frequentius obser-  
vari monet , ut axillares intumescant glandu-  
læ , sicubi mulieres a partu aut nimio lactis  
in mammas affluxu corripuntur , aut intem-  
pestive a lactatione desistant .

glandulas impetunt, quo plures numero sunt in eâdem parte positæ, eo difficiliorem & periculosiorem præferre curationem: quippe facillime ex imprudenti tractatione in Cancr naturam mutantur.

Et si vero duplex a salutaris artis cultoribus constituta sit Venereos Bubones curandi ratio, quarum altera resolvendo, altera suppurando fit, (8) atque ex his ea tutior æstimetur, quæ per suppurationem absolvitur; quippe quicquid vitiati virulentique humoris intra glandulas delitescit, ociissime evitato luis discrimine, eliminatur: nuper tamen ceu utilissimum a quibusdam propositum est, affectas eo morbi genere glandulas excindere penitus, & avelere, antequam virus subeat alveum sanguinis, & prima appareant suppurationæ glandulæ symptomata, idque prospero successu perfecerunt. (r)

Quam

(r) Monrois loc. cit.



Quam operationem ut minime contemnendam, summa tamen cautione suscipiendam censeo, & dum si sanguifera vasa ab læsione defendi possunt ipsaque caute instituaturs cum Bubo tantum inguinales glandulas aggreditur, neque æger virulenta gonorrhœa eodem tempore afficiatur. (9) Verum quod in Bubone Venereo fieri nonnunquam posse dictat ratio, in iis tumoribus, quos scrophulas appellamus, minime suscipiendum esse, ipsa morbi indoles suadet. Ut cumque enim in conglobatis colli glandulis malum hæreat, cum tamen universi Lymphaticorum systematis depravatæ constitutioni ipsius origo debeatur, curatio certe consequi nulla poterit, usque dum eadem fluidorum indoles permaneat. Præterea quod peculiare symptoma in glandularum morbis frequentissime observatur, animadvertendum est: sæpe namque fit, ut grassante acriter per corpus universum morbi causa,

post diuturnam suppurationem, affectę glandulę depascente corripiantur gangręna, neque arte ulla coercenda, nisi prius partibus ferę omnibus, ipsisque glandulis absumptis, totum virus funditus fuerit extirpatum, & affecta pars iterum restituta, quasque renovata. (10) Quod si benigna ex inflammata glandula suppuratio quandoque contingat, aut lymphatica vasa in artubus vulnerata sint, tum vero tenui pellucido, jugiter effluente ex parvo foramine humore, difficillimę curationis morbus ex lymphaticorum vasorum disruptione ejus partis, in qua influctum vulnus est, consequitur, cui nulla alia ratione observante Monroo, aliisque, (f) quam corroden- tium medicamentorum opportuna applicatione, aut idonea pressione opitulari potest.

Mor-

(f) Ess. Med. tom. V. Col. de Villars traité des playes p. 49. Ruysch. obs. Chir. XLI.

Morbos alios ex lue Venerea profectos peculiari quandoque addito symptomate ( 11 ) atque hydrargiro per chemicas elaborationes multimodis immutato, aut simplici forma adhibito, extirpandos, multo quidem tutius tolli posse consequitur, si Mercurii vis easdem vias subeat, per quas morbus ipse inductus est. Quare etsi multiplex hodierna die adhibendi mercurii ratio apud Practicos invaluerit, atque sua fere cuique propria sit morbos Venereos curandi methodus, nulla tamen, si quid ego judico, eâ tutior & utilior debet æstimari, quæ fit per inunctionem: quippe quæ immediate descriptum vasorum systema pervadens, morbos ex radice quasi sua evellere sensim, Practici norunt omnes. ( 12 ) Atque quod de Venerei Bubonis tutiore exsectione indicatum est, de pestifero etiam intelligendum esse ratio suadet. Nam pestiferi Bubones, si fiat, ut suppu-



rationis ope solvantur , profecto salutares valde sunt ; verum si contagione grassante , nulla interposita mora , sub primo morbi initio exscinderentur , non levem afferre posse utilitatem operationem hujusmodi credendum est , præsertim cum generatim ad avertendam pestilentiae accessiorem præter Alexipharmaca plurima , multiplices commendentur inunctiones ; quippe quibus subituro cutis foramina contagio , via non-nihil obstruendo præcluditur .

Spontaneæ Variolarum eruptioni , idcirco infitio pluribus in regionibus præfertur , in nostris adhuc reformidata , magno ut videtur artis salutaris detrimento , atque salubrior æstimator , quod ipsarum virus non immediate universam pervadat humorum massam , sed minima totius corporis vasa subeat , sensimque propagetur , symptomatibus multo mitioribus excitatis , quam in sponte erumpentium accessione . Sed etiam  
ob-

ob easdem causas saluberrimam futuram esse morbillorum inoculationem sperari posset, non tantum quod multo lenioribus confociati symptomatibus exorirentur, verum etiam quod multo minus periculi portenderent ægrotantibus; quandoquidem artificio hujusmodi affecto tantummodo Lymphaticorum Systemate, peculiare illud symptoma, cæterisque gravius, Peripneumonia videlicet, quam morbilli fere semper minitantur, averti posset, & præcaveri.

Verum præter hæc recensita morborum genera, quæ conglobatas impetunt glandulas, non minoris momenti sunt, quæ in conglomeratis exoriuntur: quippe facile in morbos alios, eosque periculosiores, aut ex neglectu, aut ex mala tractatione commutantur, quemadmodum ex perspecta scirrhi & canceri origine, progressu, exitu vario colligitur. Prima namque morborum istiusmodi origo ab obstructa fere semper parva glan-

dula cum observetur, quæ sensim dilatatur, porro multo citius extenditur, ubi gravior quælibet externa causa morbum excitaverit. Atque ideo si quis glandulæ istiusmodi excisionem sub initio susciperet, minus fortasse frequens Cancrorum scirrhorumque perniciem portendentium observatio haberetur, cum fere semper ex neglectu potissimum propagato sensim ad vicinia, cæterasque glandulas morbofo seminio, perque corpus universum disseminato, fiat, ut maligna diathesis sanguinem obruat, arte nulla ut plurimum, nulloque præsidio subigenda, quemadmodum inutilia quælibet experiuntur, cum morbus partis ex depravata humorum & sanguinis indole tantummodo consequitur, qua vigente, etiamsi scirrhi & canceri excisio fiat integra, tamen aut nunquam ulcus confanescere, aut eo sanescente, morbum eundem eo ipso aut alio loco pronasci iterum, constanti ob-



ti observatione confirmatum est.

Quod si rationi & experientiæ, quantum ego arbitror, maximè consentaneum est, induratae glandulae excisionem sub initio morbi suscipere, ex eadem porro ratione nil vetat, quominus & strumarum excisio vitæ vasis nervisque, aliquando perentetur. Id certè fausto omine fieri quandoque posse, putandum est, præsertim si antequam plures eodem afficiantur morbo glandulae, quæ prior iutumescit, excindatur. Nam ex diuturna non tantum cruciformis vulneris suppuratione, verum etiam ex remediorum attenuandi, & resolvendi vi pollentium usu longo, consequi tandem posset, ut sublato sensim crassioris lymphæ vitio, morbus penitus extirparetur. Nam quod strumis puerilis ætas præsertim obnoxia est, curationem idcirco difficilem, & diuturniorem ferè semper postulat, atque non raro frustra medentium fatigat industriam, infau-

sto.

sto plerumque exitu . Cum enim ea ætate pueris major vasorum lymphaticorum , ut & ceterorum copia sit , tum etiam fluentium humorum quantitas proportionem respondeat , & in lymphæ ductibus liquor , lentè admodum moveatur ; ejusdem porro si depravata fuerit indoles , aut ex lactis usu , aut ex cruda , crassa ingestorum qualitate , noxia aeris constitutione , subsistat alicubi facilè & concreascit necesse est ; atque ideo si qua curationis optima via esse possit , ea videatur , quæ diuturniore morbo si fluidi separatione , obtinetur . Quare eos , quibus in collo undique Strumæ serpunt , perfecte nunquam confanescere , observatione sæpe compertum , nisi prius subsecuta gangræna omnibusque glandulis absumptis , recentis ulceris more , licuit glutinare . Eadem fere fœminei corporis , ac puero-  
rum conditio est : namque pro varia mulierum constitutione , scirrhus & cancro multo frequentius , quam Vi-

ri detinentur; quorum morborum ratio potissimum est deducenda, tum ex molliori ipsarum natura, & laxiori compage, tum vero ex retardata, aut suppressa penitus menstrui sanguinis aut alia qualibet excretionem, aut affluxu nimio lactis densioris ad mammas post foetum editum, praesertim si praedominante Cacochymia, gravioribus animi perturbationibus simul affectae sint.

Seriem hanc Observationum & Experimentorum in argumento utili, & magni momenti in Arte Chirurgica, apte muneris quod gero officiis satisfacere posse sum arbitratus, ex eo imprimis, quod ex hoc loco, quem quotannis, ascendere jubeor, non vulgaris & obviae Praxeos praecepta ad instituendos Optimos Adolescentes a me sunt proferenda, sed ex interiore arte ab Anatomicis & Physiologicis notionibus illustrata, aliqua sint in medium producenda. Consilium hujusmodi recte a me susceptum esse,

con-



conspectus hic vester Amplissimus ,  
 Professores Ill. ac Sapientissimi probat ,  
 atque lectissima Auditorum frequen-  
 tia , qua dum mirum in modum de-  
 lector , & honestari me sentio , dicen-  
 di vires latius patentes , uberiores  
 doctrinæ copiam mihi desiderare non  
 desino , quibus cumulatius humanita-  
 ti erga me omnium summæ responde-  
 am . Egregiis Adolescentibus utilem  
 operam hodierna die impendisse me pu-  
 to , etsi alieno merito , Theoriæ om-  
 nino novæ , Lymphæ ductum videli-  
 licet Œconomix fundamenta expo-  
 nendo , & consuetudina ejusdem practi-  
 ca indicando , quæ Theoria usu tam  
 late patens , quam late patet eorum  
 ductuum in humano corpore utilitas &  
 officium , Medicam etiam artem ex-  
 colentibus ad ratiocinandum principia  
 vera ac solida præbere potest . Quod  
 reliquum est , illud unice mihi desi-  
 derandum intelligo , ut qua ego fide ,  
 qua industria , & omni qualiscumque  
 ingenii & mentis contentione munus  
 in

in Nosocomio , & ex hoc ipso loco  
explere pro viribus non defino, dum  
ingenui Adolescentes fruuntur , Prin-  
cipum Virorum , a quibus hæc stu-  
dia nostra aluntur, foveanturque, de-  
cretis recte videar satisfecisse.







## A P P E N D I X.

1. **H**ANC Lymphaticorum proprietatem Halleri ejusdem Viri Cl. autoritas tuetur. Ea vasa contrahi, & vi propria quadam contentum fluidum propellere multæ observationes me quoque docuerunt. Hanc vim ad irritabilem potius quam ad sensibilem aut elasticam naturam pertinere, aut contra, quæstio est hisce temporibus adhuc agitata.

2. Conglobatæ glandulæ genus peculiare constituere videntur, nec tamquam Elementa censerī debent glandularum majorum, a quibus peculiaria fluida secreta per excretorios ductus in receptacula a natura constituta emittuntur. Eo nimirum nomine indicantur glandulæ, quæ proprie & unice pertinent ad Lymphatica vasa; & dictis notis distinguuntur. Structura vero earum glandularum interior diuturnæ litis argumentum fuit, inter Malpighium & Ruyschium, ut definirentur cellulosa, quod Nuckius & Malpighius, an vasculosa, quod Ruyschius assererat, esset ipsarum substantia. Gulielmus

mus Hunterus nuper in sæpius laudando opere ( a ) hæc scripsit . Ego numquam ex satis firmis observationibus quæstionem dirimere potueram in meis prælectionibus , num glandulæ conglobatæ essent cellulosæ aut vasculosæ , & quod proponebam , ex Auctorum testimonio tantum proferre datum erat . Sed frater meus Joannes ann. 1753. 1754. observavit a se potuisse uniformiter repleri eas glandulas & Lymphatica vasa ex iisdem prodeuntia , tubo in earumdem substantiam immisso , ut Nicholius in testibus perfecit . Dum eo modo ad examen adducuntur , structuram præferunt qualem Nuckius perhibuit . Experimentum vidi , & iteratum , & Nuckii opinionem propria observatione confirmatam protuli . . . . Frater meus deinceps occasione data eas glandulas eo pacto aere , mercurio , cera liquente replevit . Ipsæ semper cellulosæ apparuere , & lymphæ ductus per ipsas traduci observatum est , eo modo quem Physiologi vulgo describunt .

... Cæ-

( a ) Medical commentaries Part. 1. containing a plain and direct answer to Professor Monro Jun. interspersed with remarks on the structure functions and diseases of several parts of the human body . By William Hunter . London 1762. chap. 111. history of the dispute. p. 34.

. . . Cœterum ea ratione facile admodum lymphæ ductus conspicui redduntur.

3. Placet illustrium Virorum testimonia ex ipsorum operibus deprompta afferre, quo progressus observationum hac in re innotescat, quid ideo laudandi deinceps Hunterus atque Monrous præstiterint, appareat: quam eandem seriem, hic tamen a remotiore origine incipientem Monrous in dissertatione sua diligenter contexuit.

*Olai Rudbeckii nova Exercitatio Anatomica exhibens ductus Hepaticos aquosos, & vasa glandularum serosa. Cap. VI. hæc habet. Ann. 1651. 27. Januarii, mihi venas hæmorroidales canis inquirenti, vasa quædam sub intestino colon & recto jacentia, fero plena obviam venerunt, quorum ductum altius rimatus, succum serosum illis contentum, vesiculæ Chylosæ comperi immeanem.*

Ann. 1652. 6. Martii bis eodem die in ove, cum venarum & arteriarum Spermaticarum Anastomoses pervestigarem, mihi perplurima vasa limpidissima nodosa, feroque extumescencia occurrebant: quæ glandularum aliquot ad venas crurales sedem obtinentium superficiem tege-

D

bant



bant , atque vesiculam chylosam aggrediebantur .

Denique anno 1653. 27. Aprilis cum meis amicis aliquibus insertionem ductus chyliferi in axillarem venam ostenderem ; fortuito præoculis parvæ glandulæ situm sub sterno ad claviculas , inter mammarias venas occupantes veniebant , quæ duos ramulos sero tumentes Lacteis Thoracicis tradebant .

Cap. VII. Hos canales vasa glandularum serosa , nominandos existimavi . Primo , vasa , quod in conformatione figura , & usu cum reliquis meatuum generibus , conveniant . Secundo glandularum , quod plerique illorum inde suam trahant originem . Tertio serosa , propter succum , quo abundant .

Dein paulo post : illi autem serosi ductus , qui cordis latus sinistrum occupant , rivulos Pericardio , ejusque pinguedini & mediastino , committunt , inde glandularum parvularum auxilio uniti , arteriam Aortam traicientes , ramulo ductui Chylifero inhiant .

Alii vero , qui multa ramulorum copia , inter musculos transversos & obliquos Abdominis propullulant , plerumque  
fine

\* \* XLIII \* \*

line glandula visi, duorum fere digitorum transversorum spatio a vena cava, uniuntur, & Lumbarium vasorum confortio gaudentes, vesiculam chylosam ingrediuntur.

Qui deinde tubuli sero pleni venas crurales comitantes vesiculam chylosam sub vena cava osculis excipiunt, glandularum duarum, vel trium substantiam, inguina occupantium, tam extra quam infra amplexantur. tum paulo infra: illud autem serosum vas, quod in Vitulis & ovibus sub *Æsophago* conspicitur, delineare non curavi, cum ægre reliquis inferi potuit, descriptionem tamen ejus non omittendam putavi. Oritur multis radicibus a glandula quadam magna, & oblonga, quam natura *Æsophagi* lateribus, prope diaphragma apposuit: inde sursum recta fertur, & se se osculis ductui chyli-fero conjungit.

Cap. X. de modo serosa vasa investigandi.

Post alia multa sic scribit: delectaris forsan illa quoque serosa vasa introspicere, quæ in Thorace prostant. Admoveas itaque cultrum, & Sternum ad Claviculas ferme separe, illudque reflectas,

D 2                      postea

postea in omnem pinguedinem una cum Mediastino, Thymo suffultam, prope hiatus ductus chylieri in jugularis cavitatem vinculum admoveas; quod præstitum, tibi illarum a glandulis esse originem, manifestabit.

*Thomæ Bartolini Anatomè quartum renovata Lugduni 1684. in libello primo Append. tertia de Vasis Lymphatis nostris.* Vasa hæc succum a sanguine, & chylo diversum vehunt, nempe aquam, seu lympham, quorum inventio nobis post tot in arte Anatomica consumpta tempora, naturæ faventis munere, relicta fuit. Pro qua felicitate Deo naturæ auctori vota nuncupavimus. Ea primum 15. Decembr. 1651. mihi circa hepar, & 9. Januarii 1652. mox clarius 28. Februar. 1652. etiam in axillaribus apparuerunt Hafniæ, & exinde sæpius repetita sectione in animalibus cum Michaelē Lysero passim in corpore observata, a nemine antea monstrata vel descripta, demum 1654. anni initio in Phytico homine eorum veritas mihi cum Henr. a Moinichen explorata. Plenam vasorum novorum historiam variis scriptis orbi propalavi; defensionibus contra dissidentes vindicavi,  
& Spi.



& Spicilegiis exauxi . Eadem mihi asseruit in duplici Apologia Martinus Bogdannus . Circa eadem tempora in Svecia similes aquosos ductus detexit , & postea descripsit Olaus Rudbeckius . In Anglia de Jolivio quoque gloriantur amici .

*Ibidem de Lymphaticorum exortu .* In visceribus difficulter & musculis discernas . Intima tamen illorum penetrant cum venis , ut a partibus nutritis , vel arteriis capillaribus superfluum lympham , sicut venæ sanguinem hauriant .

*Idem Auctor in Altera dissertatione , cui titulus Vasorum Lymphaticorum Historia nova .* Cap. V. in Methodica Vasorum Lymphaticorum descriptione .

Quoad exortum , sic loquitur . Exortus Lymphaticorum vasorum est ab extremis partibus , seu artubus , & visceribus , Hepate nempe , ex quo cum ramis Portæ prodeunt , vesicula felleis &c. Quaparte ex artubus prodeant , an a venarum extremis , vel musculis , nec dum oculus assequi potuit , ob vasorum subtilitatem . Si quis conjecturæ locus , a partibus nutritis debent emergere , ob usum postea asserendum , quamquam nec a venis capillaribus impossibilis sit exortus .

*Caspar Bartholinus Thomæ filius in Specimine Administrationum Anatomicarum ad Marcellum Malpighium, & Josephum du Verney 28. Novembris 1678. Plura habet sect. 2. de Lymphaticorum origine; sed sect. 3. clarius scribit hoc modo.*

*Inserviunt etiam illæ injectiones aqueæ ad demonstrandam & oculis subiiciendam in Hepate, Renibus, glandulis &c. continuationem evidentem vasorum excretoriorum cum vasis sanguineis, sed mediantibus cribris quibuscumque. Unde Lympham, quæ a glandulis secernitur, non quasi phlegma a Spiritibus animalibus, sed a sanguinea massa subministrari, evidentissime evinci potest.*

*Gunteri Christofori Schelhammeri de Lymphæ ortu, & Lymphaticorum vasorum causis ad Danielelem le Clerc & J. Jacobum Manget. M. Genevenses Epistolica dissertatio. Postquam aliorum opiniones examinavit, suam proponit sententiam de Lymphæ & Lymphaticorum vasorum origine his verbis: Nullus autem est alius in corpore universalis humor, præter unum sanguinem, qui per arterias ad singulas partes affluit; ut adeo concludendum denique sit, ex ipso illo arterioso sanguine,*  
eam

eam nobis adesse , & ab eo separatam in suas venas coniici , ut per easdem versus cor , ex quo modo venerat , cursum instituat .

Nonnullis dein adductis rationibus ait : Venæ autem Lymphaticæ , quoniam cum sanguiferis eandem affectant viam , quid manifestius est , quam ex arteriis non omnem cum sanguine lympham in venas transmitti , sed ejus dimidium , vel circiter per vasa propria refluere ad fontem .

*Nicolai Stenonis de Glandulis Tractatus* . Adnotatio in margine est : Lymphæ origo immediata & motus .

Sic vero scribit ; I.<sup>o</sup> Lymphaticis omnibus cum glandulis commercium esse : dicerem omnium lymphaticorum primam scaturiginem glandulas salutandas ; sed cum prima Lymphaticorum Bartholinianorum origo , quo plures admittit explicandi modos probabiles , eo sit incertior ; id saltem verum manet , nullum in corpore visum Lymphaticum , quod non vel oriatur a glandula , vel in glandulam inferatur .

Addit postea num. IV. ipsas adeoque glandulas omnes viscera esse , per quæ suas lymphatica dispergunt radices .

*Marcelli Malpighii Epistola de structura*



*glandularum conglobatarum, &c.* Præmissis nonnullis de structura glandularum ita prosequitur:

Certum est igitur conglobatis glandulis lymphatica vasa appendi, quæ cum ipsarum substantia intimum commercium habent, unde unicum lymphaticum minimas penetrat glandulas, & frequentissime multiplicia subintrant grandiores glandulas, ita ut ex his quæ hucusque observare potui, asserere liceat, quamlibet conglobatam glandulam Lymphaticis ditari. & paulo post ait: Ex his igitur conjectari licet, lymphatica vasa e glandulis, postremo saltem, derivare lympham. inde vero: An vero primus ex ortus & origo lymphaticorum vasorum sit a glandulis minoribus, tanquam a fontibus, dubium est, quod meam adhuc torquet mentem.... Ad inguina ejusdem animalis, a conglobata mollique glandula, copiosa & varicosa erumpunt lymphatica, quæ non longe consimilem glandulam subingressa in unum canalem anserinæ pennæ similem hiant, ita ut admissum atramentum in proximum & continuatum receptaculum chyli deducatur . . . . Ex his itaque patet, lymphatica vasa emanantia furculis a glandulis minoribus medio

dio trunco , vel iisdem ramis glandula ampliori inferi , a qua emergentia tandem in Cysternam chyli exonerari , & terminari , & exinde non improbabiliter primum exortum a minima glandula haberi , cum lymphæ materia intermediis glandulis augeatur , & in minimis frequentissime ulterior vasorum progressus non habeatur .

*Nuckius in Adenographia 1691. Leid. De Vasorum Lymphaticorum origine .* Profite-  
tur Vasorum Lymphaticorum principia ab arteriarum furculis emanare , idque aliquando intermedia vesicula , aliquando deficiente vesicula immediate ab arteria venave .

Plura de Scriptoris hujusce sententia , circa Lymphaticorum origines etiam per experimenta ab ipso habita , confirmata , videri possunt in dissertatione Alexandri Monroi junioris de venis Lymphaticis valvulosis , & de earum in primis origine edita Berolini 1757.

*Cowperus introduction to Bidloos Tables pag. 5.* Tradit veram originem vasorum lymphaticorum esse ab extremitate vasorum sanguiferorum .

*Boerhaavius in Prælectionibus Academicis in institut. Medic. §. 242. 246. ad 250.*

250. Conjecturam, quoad origines lymphæ ductuum proponit, quam multo fusius descriptam legimus in libello de Metodo studii Medici. Nulla est vena, quin habeat suam arteriam; hoc est nullum vas potest deferre versus cor, quin ab alio vase liquidum suum deferendum acceperit. Ergo vena ab aliis vasis liquidum suum habere debet. Ex eadem ergo ratione vasa lymphatica, quæ versus cor reducunt, debent ab aliis vasis liquidum suum accepisse: neque ea alia vasa possunt esse venæ: Nam venæ recipiunt, quod adtulerunt arteriæ. Ergo lymphatica vasa ferum suum debent accipere a quibusdam arteriis, uti omnes venæ ab arteriis: hinc uti videmus venas lymphaticas esse; sic etiam necesse est dari lymphaticas arterias invisibiles, a quibus venæ lymphaticæ liquidum accipiunt.

*Celeberrimus Joannes Baptista Morgagni*, Anatomicorum Princeps de hoc argumento in immortalibus suis operibus egregia monet: Nuckii experimentum iteravit, & prima Lymphæ ductuum initia subsensum cadere vel nullo modo, vel difficilime posse, prudentissime adnotavit. *Advers. Anatom. II. Animad. 47. Epist. Anatom.*



tom. ad amicum . I. num. 30. 83. 96.  
II. num. 5. 8. XVII. num. 42.

*Hallerus* in Boer. institut. §. 246.  
in not. ad litt. ( a ) hæc habet : dantur  
ergo arteriæ Lymphaticæ non conspicuæ,  
dum venæ utpote majores conspiciuntur .  
Tum in Prim. Lin. Physiolog. cap. VIII.  
§. 181. scribit : Lympha perinde ex pro-  
ximo de arteriis educi videtur .

Deinde vero in Elementis Physiolo-  
giæ lib. II. sect. III. §. IV. V. VI. VII. con-  
gestis doctissimorum Virorum auctoritatibus,  
asserit , primas Lymphæ ductuum radicu-  
las , quæ confluentes trunculos constituunt ,  
cum arteriis & venis hætenus convenire ,  
ut per utrumque genus inflari & repleri  
possint : tum etiam cum excretoriis ducti-  
bus communicare §. IV. denique ex cel-  
lulosa etiam tela ex similitudine lymphæ  
cum ea gelatina , quæ & in fœtu & in  
homine hydropico cellulas adiposas replet  
§. V. a magnis cavis , sumpta a lacteis  
intestinatorum vasis analogia §. VI. a venis  
minoribus & decoloribus §. VII. ob Ana-  
stomoses inter vasa lymphatica arteriosa  
& venosa , positas ab J. C. Adriano Hel-  
vetio , exoriri . Lettre au sujet de l'écrit  
critique de M. Bessé p. 215. & Phil.  
Hec

Hecquet in novo conspect. Medic. P. II. pag. 17.

Verum ne singulorum fere Anatomicorum sententias exscribere videar, & nimio lectores tædio afficere, illud satis est adnotare, quemlibet nemine excepto, aut a vasis sanguiferis, aut a glandulis, aut ductibus excretoriis Lymphaticorum origines hætenus derivasse, quemadmodum legi potest apud Diemerbroeck Anat. cap. 22. Lister. de Humoribus cap. 20. 21. 22. qui propriis etiam experimentis dari arterias Lymphaticas asserit. Berger. in Physiolog. Medic. pag. 78. Keill. in his anatomy sect. 9. Cheselden in his Anatomy chap. 10. Lieutaud. Elem. Physiolog. sect. 2. pag. 174. ad 179. Ferrein. mem. de l' Acad. des Sciences 1741. Thom. Laurent. disput. Medic. de Hydropse edita Londini 1756. p. 90. usque ad 100. sed præsertim p. 97.

His autem præmissis quoad inventores lymphæ ductuum, & multiplices circa ipsorum originem sententias, placet nunc summam hic exhibere, litis ejusdem inter Monroum & Hunterum exemplo non novo in rebus anatomicis, acriter agitatæ.

Alexander Monrous filius Alexandri  
in

in Academia Edimburgensi Anatomes Professoris celeberrimi in monumentis Edimburgensibus ann. 1754. injectionis methodum descripsit, qua Mercurio in vas deferens immisso, Epididymis integre repletur, tum & tubuli qui ex teste prodeunt pro formatione Epididymidis; ex quo sequitur, ut procurrente hydrargiro testis massa turgeat, & ponderosior fiat, postquam externæ partes repletæ jam sunt. Eodem anno Gulielmus Hunterus Londini Medicus & Anatomicus Clarissimus, in suis Prælectionibus Anatomicis, Auditores suos monuit longe antea Experimentum illud à se fuisse sumptum. Anno sequenti Monrous junior ad doctoris gradus capeffendos Thesim edidit de testibus & semine in variis animalibus, in qua ex memorato experimento doctrinam profert late patentem vasorum lymphaticorum, & ipsa non ex arteriarum, aut venarum finibus oriri; sed propria origine ex cavis tum minoribus, tum majoribus in vivente initium habere constituit, atque conficere systema peculiare vasorum absorbentium, quæ contentum fluidum ad Thoracicum ductum vehunt. Partem autem aliquam a venis etiam rubris resorptam



ptam juxta communem sententiam ad sanguinis massam deferri.

Hunterus in suis Prælectionibus ann. 1756. Londini habitis pro more, quibus Monrous idem intererat, eam doctrinam tanquam a se jam pridem constitutam protulit, argumentis roboravit, & in memorata thesi fuisse pertractatam, laudi Monroi tribuit.

Ann. 1757. Monrous edidit Berolini tractatum de venis lymphaticis valvulosis, in quo doctrinam hanc unice pertractavit, ac argumentis & rationibus ab Huntero adhibitis illustravit, Hunteri mentione nulla facta, in eoque ab ipso dissentiens, quod venis etiam rubris resorptionis officium tribuat. Occasione deinceps aliunde arrepta Monrous acre scriptum contra Hunterum propriæ gloriæ juramentum edidit, cui Hunterus mitiora quidem responsa fecit, rationibus tamen, & testimoniis validis adductis, ut doctrinæ ejusdem auctorem antiquiorem se fuisse demonstraret. Ad hæc Epistolæ, plures in diariis Anglicis editæ sunt, Monroi partibus Alexandro patre & Donaldto faventibus, Hunteri vero famæ Medicis in Anglia pluribus consulentibus.

Qui

Qui vero in Physiologicis est versatus, intelligit non abs re inter eos fama & doctrina præstantes Viros de inuenti hujus gloria decertari. Tertium fere circuitionis genus ex eo intelligitur derivare præter majorem per corpus, & minorem per Pulmones. Nam si Lymphatica vasa unice absorbent ex cavis corporis fluidum, non autem venæ rubræ, quemadmodum opinio fert Hunteri, experimentis ab ejusdem fratre sumptis confirmata, omnino vera conjectura est, vasa lymphatica & Lactea esse appendicem venosi systematis, per quæ copia lymphæ ad circuitionis majoris perennitatem afferatur: quemadmodum glandulæ & secretoria organa appendices sunt systematis arteriosi, per quæ secretiones perfici, & superflua segregari possunt. Lympham præterea nutritionis materiam non ex venis & arteriis hiantibus in lymphatica immitti, sed exsudantem ab ipsarum parietibus, nec in nutritionis ejusdem usus subsistentem a Lymphæ ductibus valvulosis absorberi. Ex qua doctrina, si quid ego judico, certe plura explicari possunt ad Œconomiam animale pertinentia.

4. Cl. Monrous Med. Ess. Vol. I.  
art.

art. IX. sequentem conficiendi materiam ad replenda vasa aptissimam, methodum proponit. ℞. seb commun Lb. i. cer. alb. unc. v. ol. oliv. unc. iii. liquentur omnia lento igne add. Thereb. Venet. unc. ii. m; donec recte dissoluta sit add. cinnabar. Crystall. Virid. ær. pul. ana unc. iii. m & postea traiciatur mixtura per linteolum calefactum & fervetur ad usum addito ol. aut Spirit. Thereb. Q. S.

5. Dissentiunt quidem in hac re Hunterus atque Monrous, quorum uterque cum lymphæ ductibus resorbendi officium tribuat, Monrous illud commune venis rubris minoribus, & lymphæ ductibus esse autumat; Hunterus Lymphaticis tantum vasis, minime vero venis rubris contendit, & experimentis sententiam suam roboravit. Rationum autem quibus uterque utitur, summam hic exhibere opportunum videtur. Monrous itaque (a) hæc fere habet: Lacteis vasis ac lymphaticis carere ovipara animalia, in quibus idcirco

(a) Observations Anatomical and Physiological  
Uherein Dr. Hunter's claim to some discoveries is examined. Edinburgh. 1758. of resorption by Veins. Conclusion.



co resorptio ex cavis corporis per venas rubras fit: in Viviparis vero foetum, quatenus in utero continetur ali resorptione per venas rubras facta; funiculus enim Umbicalis & placenta lymphæ ductibus omnino carent. Fluida injecta in venas exsudare e cute, & in cava corporis majora. Præterea fluida aerem, aquam, glutinosos aut oleosos liquores colore infectos ex Mesenterica vena in cavum intestinorum sese penetrare, per venas etiam facilius, quam si per arterias fiat injectio. Halleſium injectione diversorum fluidorum facta in Aortam & venam Portarum, vidisse strias injecti liquoris in villosa tunica intestinorum, nec se penetrasse tamen in Lymphatica seu lactea, indicio vasa in quibus injectio facta fuit, disrupta non fuisse. Bilſium vinculo constrictis Mesentericis arteriis vidisse liquorem chylo similem in venis ejusdem nominis. Hornium vinculo constrictis venis Mesentericis vidisse in iisdem album liquorem inter vinculum & intestinum: Meryum observasse vini spiritum transisse ex intestinis in venas modo dictas: Kaulvium vidisse aquam ex stomacho & intestinis bruti recenter enecti penetrasse in venas ma-

E jores

jores Gastricas & Mesentericas . Quod si quærat<sup>r</sup> cur natura binis vasorum ordinibus resorptionis muneri in viviparis prospexerit , cui unico in oviparis consuluit , putat Monrous lymphatica esse genus vasorum lacteis subservientium ; ovipara vero lacteis carere . Exiguas autem & innumeras radículas venarum Mesentericarum in oviparis chylum resorbere , ex eoque fieri , ut intime possit cum sanguine permisceri , & in Hepate perfici antequam ad cor perveniat , ut ad vitandum nimium stimulum erat necessarium . In Viviparis vero bina absorbentium genera esse necessaria : alterum scilicet venarum rubrarum fines , ut tenuiorem , & magis aequosam fluidorum partem ad cor veherent : alterum scilicet lymphatica ut resorberent partem , quæ animali naturæ assimilior est , saponacea , eaque chylo vehendo idcirco destinata . Quod confirmatur observato discrimine intercedente inter fluidum quo madent , aut quod colligitur in majoribus corporis cavis , & illud quod vehunt lymphæ ductus . Hæc fere sunt , quæ ad sententiam propriam , quæque Physiologorum fere omnium consensu traditur , tuendam , adducit Monrous .

Hun-

Hunterus vero in sæpius laudato libro (b) hæc habet : considerasse sæpius undenam in cavis majoribus & minoribus corporis fluidum quod colligitur, adveniat, qua via ex. gr. aqua in Anasarcâ ad cellulofam tunicam perveniat. Ex vulgari opinione ipsam ex arteriarum extremis osculis extillare, sed videri sibi, eam potius ex vasorum tunicis ac lateribus exsudare ob sequentes rationes. Anatomicorum Experimenta & injectiones ad id probandum institutas æque conficere ut fluida illa extillent, ac exsudent. Sed immo ea experimenta potius exsudationi favere. Nam tenuia ac penetrabilia fluida in arterias Mesentericas injecta in intestinorum cavum transisse, colore vero rubro infecta non transisse, nisi cum vi adhibita disrumperentur earum extrema : indicio in primo casu exsudasse, non extillasse. Cellulosam membranam non immediate repleri injectione facta in arterias, sed mora aliqua intercurrente, atque ita ut quo magis evacuantur arteriæ, replentur cellulæ. Aquam & sanguinem pressione adhibita vehementiore per substanti-

E 2 am

(b) Commentaries &c. Chap. of resorption.



am carniū & tunicarum transudare: sed etiam unicuique constare, ex tunica cystidis bilem exsudare & contiguas partes colore suo singulari inficere, vasa autem peculiariora, quæ id præstent, eo loco deesse. Sanguinem vero non exsudare in vivente, tum quod in eo statu fibræ pressius inter se colligatæ sunt, tum sanguis certa gaudet tenacitate, quæ perit dum ipse ad putrefactionis gradus varios morbo declinat, hinc penetrare se se in statu sano non attingit. Demum experimenta à Joanne Huntero capta fuisse ejusmodi, quæ in eo libro fuse referuntur, ex quibus manifeste colligitur, ex intestinis tenuibus & crassis omnino nullum patere transitum in venas & arterias sanguiferas, vel injectio fiat per vasa, vel per intestina.

Ego quidem cum utriusque sententiam videam exquisitis ratiociniis pertractari, experimentum unum atque alterum eorum quæ Hunterus recenset iteravi, aliud etiam addidi. Vituli recenter enecti, aperto Thorace, & Pericardio citissime sublato, arteriam ventriculo ipsius sinistro respondentem ad trium digitorum transversorum distantiam a basi cordis aperui, omnemque per eam viam cruorem pressione manuum

expressi. Dein vero bis terue aqua tepente replevi ventriculum, donec nullo commixta sanguine reflueret. Tum per eandem arteriam lac calidum intuli, usque dum ventriculus omnino repletus est, & tandem paulo infra priorem sectionem, ligaturam injeci, cujus ope lac premebatur nonnihil intra cavum ventriculi. Cor denique reposui, ut aliquantisper naturali calore viscerum foveretur.

Interim vero in jleo intestino ligaturam injeci vasis sanguiferis ad sex digitorum distantiam ab intestino, qua simul intercepta Mesenterii portione intestinum ipsum comprehendi: dein digitis premendo sensim contenta intra ipsum ejeci, atque ad spitamæ majoris longitudinem alterum injeci vinculum eadem ratione ut supra. Postea lanceola facto foramine sub priori ligatura, aqua tepente cavuum intestini bis lavi, atque per intrusum tubulum lacte calido replevi, quod altero vinculo nonnihil subter foramen, continui.

Tandem sumpta altera intestini ejusdem portione, eadem sum executus, & lactis loco, replevi liquore, colore cæruleo, farcto, & intra ventrem per horę dimidium recondi, antequam quid contigerit observarem. Ac-

curate deinceps ea viscera rimatus fluidorum injectionum partem omnino nullam in sanguifera se se penetrasse observavi, nec iisdem vasis lanceola pertusis, quidquam liquoris injecti eas legisse vias, nec etiam in cordis substantiam ex cavo ventriculi aliquam partem prorepisse. Ad reliquas vero Monroi rationes, dubitare se maxime Hunterus perhibet, num Ovipara, num placenta lymphæ ductibus careant, atque illiusmodi esse rationes, ex incertis nimis principiis derivatas. Experimenta vero quæ adducit ex injectionibus ab ipso & ab aliis Anatomicis institutas, experimentis ab Joanne Huntero captis pugnare; injectionis autem opus nisi exquisita perfectum industria sit, errores inducere gravissimos, quorum exempla plura prudenter refert. Demum opinionem hanc novam non esse, sed pridem a Glissonio propositam, ex vasorum tunicis fluida exsudare, non extillare osculis, animadvertit.

6. Ex singulis vero morbis a lymphæ vitio derivatis pertinacissimi sunt, qui articulis insident, & genua potissimum obsident, albi idcirco tumores nuncupati, quorum cum primis pertinax indoles est, sicubi



ficubi ex interna tantum qualibet sanguinis affectione, proficiſcuntur, atque ſolius naturæ niſu propelluntur exterius. Quare in eorum curatione, a ſuppurantibus præſertim abſtinendum eſt, ſordida alioquin ulcera, & depaſcentia effecturis, niſi forte id quandoque, natura monſtrante viam exequi oporteat. Hinc utcumque gravior quælibet in ſanguine morbi cauſa ſubſit, præſtat ſemper reſolutionem attenuantibus, & digerentibus ſacculi medicati ad inſtar, aut fomenti forma, moliri, niſi quod ubi firma cœterum corporis conſtitutio fuerit, levior morbi cauſa, recens, neque ullo miaſmate correptus æger, multo quidem utilius agi poſſet, ſi præmiſſis per dies aliquot aqueis & laxantibus, leviffimæ hinc inde acupuncturæ inſtituerentur, quibus hæreſcens intra minima vaſa liquor ſenſim ſubduci poſſet. Quam medendi rationem ſaluberrimam etiam futuram judico in iis, quibus poſt acutas febres cruribus in tumorem albidum elevatis, nonniſi poſt diuturniorem remediorum multigenum uſum, levamen aliquod affertur, sæpe morbo penitus non ſublato, utcumque evacuantia, diuretica, digerentia, diutiſſimè fuerint uſurpata. Acupuncturis vero caute inſti-

tutis, fomentis aqueis & emollientibus fovenda nonnihil affecta pars, usque dum lymphaticus tumor omnino subsederit: quod ubi fuerit affectum tum ab corroborantibus, & fasciarum præsertim circumvolutione apposite usurpata, curatio reliqua petenda est. Verum multo quidem cautius cum iis agendum est, quibus aut exitu valido, aut ex prædominante sanguinis diathesi, & Venerea præsertim, tumor hujusmodi exortus est: namque ad morbi resolutionem omni ope nitendum est, cum sæpe fiat, ut suppuratione præmature sollicitata, pessimæ naturæ fungosa ulcera consequantur, arte nulla ut plurimum, aut artus amputatione tantum, quandoque sanescenda: (c) ut idcirco in iis eâ utilior nulla methodus excogitari queat, quæ fit primo balneis ex emollientibus tantum paratis, per que dies plurimos adhibitis; dein vero accensi vini spiritus vapore, cui bis in die per horæ spatium affectum genu obicitur, donec non omissis universalibus lymphæ vitio oppositis, evanescente sensim tumescencia, ab exsudante per cutis foramina, lymphæ, Emplastro  
No-

(c) Ess. Med. Vol. 4. art. xviii. xix. xx.

Norimbergenfi , naturale robur articulo , non sine fasciarum adminiculo , restituitur .

7. Libet elegantem conjecturam Joannis Hunteri ( d ) huc pertinentem exponere . Quærit enim cur Thoracicus ductus ad superiorem usque cavam ascendat , nec quod brevius fuisset iter , in inferiorem immittatur . Ejusque naturæ instituti rationem esse conjicit , ut chylus majorem viam percurrens intimius cum lymphâ ex universo corpore adveniente commisceretur , magis idcirco animali naturæ redderetur assimilis .

8. Apposita quidem , imo quandoque necessaria Bubones Venereos per resolutionem curandi ratio in Praxi observatur , cum nimirum aut neglectu ægrotantis , aut ex pertinaci morbi indole , inutilia suppurantia quælibet experiuntur , affecto a lue corpore universo . Quicquid enim nequit ejici per suppurationem , præstat per alias vias morbificæ materiæ exitum moliri . Utrum vero deceat , curationem istiusmodi auspiciari purgantibus validioribus , quibus nonnulli tanquam specificis utuntur

tur



tur & singulis indiscriminatim propinare solent nulla morbi habita ratione, aliis dijudicandum relinquo. Illud tantum animadverto, fieri sæpe, ut ex imprudenti, & alio tendentium remediorum usu, fractis sensim naturæ viribus, in longe difficiliorem ægotantes istiusmodi coniiciantur ægritudinem, atque aut vagis doloribus, aut febre diuturniori, vel alio quopiam morbo detenti, vel peritissimos etiam medicos non raro fatigent; neque tandem absque mercurii usu consanescant: quo profecto pejus nihil, quam si gonorrhæa virulenta Buboni conjuncta sit; ut idcirco luculenter appareat ex propositis duabus, eam tutiorem methodum esse æstimandam, quæ Bubonum suppurationem movendo perficitur.

9. Verum tamen si Venereum virus subierit alveum sanguinis, simulque Bubone Venereo disrupto morbus consocietur, generalis ex discrasia sanguinis totius ægritudo consequitur, & ut plurimum acuta, maligna, putrida febris erumpit, quæ utcumque communi methodo curari debeat, ejus tamen curationem a Bubonis medela potissimum pendere, observatione sæpe compertum est: quippe cum

ob

ob delitescantis intra sanguinem venen-  
 vim, affecta pars plurimum, atque potif-  
 simum determinato ibidem morbofo semi-  
 nio obruatur, idcirco ante omnia suppu-  
 ratio sollicitanda, cujus adjumento viru-  
 lenti quicquid ejiciatur. Hinc etiam si gan-  
 græna inguinales glandulæ corripiantur,  
 quod non raro contingit, si tamen scari-  
 ficationibus ejusdem sistatur progressus, si  
 digerentibus antisepticis commixtis putre-  
 scentium partium separatio sollicitetur, il-  
 lud tandem consequitur, ut cœffrenata plu-  
 rimum veneni vi, nonnisi sordidum cu-  
 randum ulcus superfit: in quo tamen fe-  
 re semper observari contingit, ut inguina-  
 les glandulæ, modo plures, modo paucio-  
 res sint excindendæ, perfectam alioquin  
 curationem impedituræ. Atque in earum  
 excisione illud est cum primis animadver-  
 tendum, num videlicet rubicundæ singu-  
 læ, firmiterque cum subjectis adhuc parti-  
 bus cohæreant, sibi que proxima sit quæli-  
 bet, an vero ab angusto pendeant nonnul-  
 læ petiolo. Nam quæ se mutuo contingunt,  
 ulcerisque cavuum satis apte replere viden-  
 tur, ne rescindantur ratio postulat: quan-  
 doquidem suffecta per eas deperdita ob in-  
 gentem suppurationem substantia, multo ci-  
 tius

tius ulcus glutinatur, dummodo exsiccantibus, & blandioribus quandoque rodentibus, quæ præter cutis superficiem excrescere videntur, absumptæ sensim deprimantur. Quod si ex angusta pendeant radice, albidæ, decolores, inter se dissitæ sint, prævideri facile potest, futurum ut sensim marcescentes, sponte tandem decidant, curatione multo longius producta. Quare tutius evelluntur, si ligatura sensim in dies strictiori injecta sit, ut in putridum quasi liquatæ tabum concidant. Ad reliquam vero ulceris curationem quod spectat, ea multo citius promovetur, ubi febre, & reliquis symptomatibus fere penitus depulsis, egrotanti ex mercurialibus nonnulla desumpta exhibeantur, quibus non tantum ulceris curationi adjuvetur, verum etiam restitantis intra sanguinem veneni quicquid ejiciatur. Hujus autem rei non vulgarem proferam observationem. Ann. 1758. mense Aprilis in Nosocomion delatus est homo temperamenti Plethorici, & humidi, cui post sextum ab impuro congressu diem, Phymosis & Bubo in dextero inguine cum virulenta gonorrhæa apparuerunt. Acuta febre, dolore capitis, siti maxima, aliisque symptomatibus detine-

ne.



nebatur, quibus effectum est, ut non modo Bubonis suppuratio citissime consequeretur, quem ilico longa sectione aperui, verum etiam dissecti prima die præputii latera, in sordidum ulcus commutarentur. Utcumque vero, neque sanguinis missiones, neque diluentia antiphlogistica, tenuis victus ratio, & paulo frequens deligatio fuerint prætermissa, invalescente, tamen undecima præsertim die morbi gravitate, prima nascituræ gangrænæ signa, in inguine, & in glande penis apparuere; quæ ut evitaretur, & scarificationes, & fomenta ex antisepticis validioribus parata, usurpavi, non relictis iis, quæ ex Bezoardicis, attenuantibus, & naturæ morbi oppositis, interius propinari solent præsidia. His autem parum aut nihil proficientibus, sensim in dies propagata gangræna est ita, ut ultra os Pubis superius & marginem ossis ischii ex una parte, ex altera vero in latere interiori & superiori ossis Femoris ad quatuor digitorum transversorum latitudinem proserperit, totumque simul penem occupaverit. In tanta morbi, & symptomatum gravitate contigit tandem, ut decimo quarto die sudor Criticus erumpere cœperit, quo per idonea remedia sollicitato, effe-

effectum est, ut sensim symptomata quæ vis remiserint, & gangræna ipsa constiterit. Tum vero victu tenuissimo, & cardiacis sæpius in die repetitis, roboratis viribus, emollientia & laxantia undique applicui, quorum ope a subjectis sanisque partibus eschara gangrænosa secerni, cæpit, resectisque forfice, quæ jam putruerant, quotidie partibus, prægrande tandem ulcus curandum superfuit, cujus ad ima albicantes nonnullæ interjectæ hærebant glandulæ. Penem vero emarcidum jam omnino factum, cum arte nulla servari potuerit, die decimo septimo morbi, forfice ad radicem fere ipsius abscidi, ex eoque nonnisi paululum urethræ restitit, per quam urina emittebatut. Reliquum curationis sequenti ratione sum executus. Glandulis nimirum per injectam ligaturam post dies aliquot sublatis, ulcerisque cavo digerentibus absterfo, Balsamicis dein pulveribus ex Olivobano, & Mastice præsertim cum siccis filamentis in cavo ulceris usus sum: circa oras ipsius vero, Unguento de Bettonica, donec nova substantia undique suffecta, exsiccantibus & Epuloticis post tres menses cicatrice obductum est. Hujus autem temporis intervallo, nimirum ex quo febris omnino

nino evanuit, decocta ex Guajaco, faxa-  
phr. Visc. querc. Bardan. cann. mont. Li-  
querit. Antimon. crud. præmisso fingulo  
mane Bolo ex Extr. Lign. S. Mercur. dulc.  
granis aliquot suffecto, assumpsit, & ut  
urinam commodius proijcere posset, plum-  
bea cannula instructus, quam pro re nata  
intra urethram immittebat, instructus, pri-  
stinæ sanitati restitutus abiit, & adhuc in-  
columis vivit.

Verum hujusmodi glandularum per ligatu-  
ram excisio non tantum in inguinibus, verum  
etiam maxime convenire videtur, ubi axil-  
lares glandulæ ob suppurationem denudatæ  
fuerint: quippe quibus immediate subsunt  
sanguifera majora vasa, quibus neque cor-  
rodens quodlibet medicamentum, apposite  
aut sine periculo applicari potest, & ple-  
na discriminis subita earumdem excisio jure  
debet æstimari.

Ad eam vero glandulæ primo tume-  
scantis excisionem quod attinet, animad-  
vertere est, non ubique in corpore absque  
gravi ægrotantis periculo operationem istius-  
modi fieri posse ut idcirco primum ejusdem  
exscindendæ natura, & peculiare munus sit  
explorandum, antequam quicquam perficia-  
tur. Nam Parotis glandula, quæ tam sæ-



pe post acutas malignas febres in tumorem attollitur , optimam ab suppuratione tantum sollicitè procurata curationem recipere videtur , idque constanti observatione confirmatum est . Cum autem non semper eadem hujusce glandulæ conditio sit , atque non raro lymphatico tantum humore facta distendatur , nunquam satis propterea vulgarium Chirurgorum methodum damnamam censeo , a quibus indiscriminatim , quocumque morbi genere ea glandula detineatur , unum idemque semper medicamento genus solet usurpari , quo fit ut ex minus accomodata morbi naturæ remediorum qualitate , sensim indurefcens , scirrhi tandem naturam induat . Quare si quando serosa tantum colluvie Parotis occupatur , quod ex accurata tumoris ipsius exploratione dignosci facile potest , illud tantum acturum se Chirurgus arbitretur , ut calidioribus præsertim & suppurantibus , tum etiam repellentibus omnino semotis , attenuantia tantum & diluentia fomenti aut cataplasmatibus forma exterius adhibeat , ea potissimum servata cautione , ut eodem tempore frequentem oris collutionem imperet per idonea gargarismata salivæ excretionem leniter moventia , cujusmodi sunt

sunt, quæ ex aqua stillatitia Malvarum sale Prunellæ, aut succo liquiritiæ concreto utiliter usurpantur. Ipso namque monente Hippocrate, (e) per salivationem leniter tumores excitatam istiusmodi dissolvuntur. Eadem porro quoad subitam excisionem lacrymalis obstructæ glandulæ & testium ratio est, quippe quibus potissimum aptiora externa proficiunt, si inflammatae aut induratae sint. Cœterum quæ quandoque ad mammas post graviores ictus, ad oris labia, ad pudenda erumpunt glandulæ, multo quidem utilius excinduntur, ex eo imprimis, quod ex huiusmodi operationis neglectu, subsequente sensim suppuratione, in pessimi moris ulcera, canceri naturam præseferentia citissime mutantur.

10. Id autem morbi genus in fœminis potissimum observatur, cum primæ menstrui sanguinis eruptioni proximæ sunt: In quo naturæ conatu, si lymphæ viscidior abundet, ægre fit per uteri vasa secretio, & difficultatem istiusmodi appa-  
F ren-

e) Coac. Prænot. sect. 11. n. 204. Tussiculæ quæ cum crebris oris sputationibus procedunt, tubercula ad aures emolliunt.

rentes in collo strumæ prænunciant: quippe quæ universi lymphaticorum systematis morbosam indolem patefaciunt; ut idcirco prudentis Medici munus illud esse videatur, crassioris lymphæ vitium adimere, antequam menstrua per suas vias sollicitentur. Qua propter præterquamquod indoles morbi optime prænoscentia est, præstat etiam in curatione ipsius naturæ ductus sequi, cum sæpe observetur, ut vigente morbo, ipsa curandi viam natura præmonstret, quemadmodum anno superiori in Virgine, annorum quatuordecim, cui nondum eruperant menstrua, mihi contigit observare. Correpta namque glandularum colli plurium suppuratione in latere dextero, ob eamque causam in Nosocomium delata, post aliquot dies acuta febris accessit, quæ toto morbi tempore cum benigna diarrhæa fuit consociata. Invalescente in dies morbo, & nullo ad cohibendam diarrhæam adhibito remedio, exceptis iis quæ ad febris vim coercendam solent usurpari, gangræna ab inferiori auris lobo ad extremum usque externum claviculæ propagata, partes singulas corripuit, utcumque digerentia validiora antisepticis commixta non omiserim. Ea

tan-



tandem & febre nonnihil cohibita , effectum est , ut sensim quæ putruerant partes separarentur , ipsæque glandulæ marcescentes sponte deciderint , prægrandi superstitite ulcere , cujus glutinatio sarcoticis primum , dein vero exsiccantibus perfecta fuit ; febre aliisque symptomatibus omnino depulsis , perseverante diarrhæa , per dies fere viginti , Thermalibus aquis , quas Beatæ Virginis nostri vocant , uti potuit . Quo elapso tempore , & ulcus glutinatum est , & menstrua sponte erumpere absque ullo alio remedium auxilio cœperunt . Ex quo illud etiam utiliter in Praxi Medica intelligitur , minus recte videlicet ab iis fieri , qui repetita sanguinis educatione , præter cœtera ad cienda menstrua passim commendata , strumarum curationem eodem tempore auspicantur : idque potissimum in causa esse arbitror , cur nonnulli diutissime frustra laborent , potiolem morbi causam in solo sanguine agnoscentes , quæ in lymphaticis tantum vasis , ut plurimum delitescit . Quare ea cum primis optima curatio videtur esse , quæ lymphæ vitio opposita , acrem viscidamque ipsius indolem mulcere , ac temperare valet , motumque

tenuissimi humoris lymphatici per sua vasa faciliorem reddere. Porro cum colli glandulas in tumorem attolli fere nunquam, quin simul eodem affectæ morbo sint Mesentericæ medicorum plerique (f) traderint: atque ex generali conglobatarum obstructione, & quolibet lymphæ vitio, glandularem tabem sequi posse, præter alios, evidentissime & rationibus & observationibus Russellus ostenderit (g): illud ipse ex eadem ratione recte opinatus est, frequentissimum morbum atque lethalem infantibus, atrophiam videlicet, ex Mesentericarum conglobatarum obstructione pendere: & ratione non dissimili in Scorbuto, Rachitide, Hipocondriaco morbo detentis, ab affecto Lymphaticorum systemate, principem repetendam esse morbi causam: ut idcirco asserere jure quispian possit, Theoriam Chronicorum morborum plurimorum legitime ex hoc lymphæ ductuum systemate esse derivandam.

(f) Morgagn. Epist. IV. num. 26. Barbett. prax. pag. 28. Andry orthoped. pag. 127. Riolan. Enchirid. Anat. Patholog. pag. 110.

(g) De Tabe glandulari, sive de usu aquæ marinæ in morbis glandularum dissertatio. tum in dissertat. Epistolari.

dam . Absolutam vero morborum istiusmodi , & strumarum præsertim curationem , feliciter obtineri posse aquæ marinæ potu laudatus Russellus ( h ) pluribus observationibus confirmavit . In qua tamen suscipienda curationis methodo , illud animadvertendum esse ipse admonet , ( i ) ne aquæ marinæ potus cuilibet suadeatur , ubi jam strumarum suppuratio secuta fuerit , aut præsentî inflammatione glandulæ detineantur . Namque ubi id forte contigerit , curationem & ipse inchoandam esse suadet , eadem ratione , qua partis cujuslibet alterius inflammatae institueretur , plurimaque in Praxi observata proponit , quæ , quibus nam cum fructu aquam marinam propinare deceat , quibus vero ejusdem usum prorsus interdicare , luculenter demonstrant . Porro cum recte institutæ curationis exitum ab eo potissimum pendere pluries observaverit , si post aquæ marinæ potum in Balneum ejusdem aquæ frigidum mergatur æger , præsertim ubi cutanea quælibet affectio simul eruperit ; cautiones propterea singulas in eorum Balneorum usu , quoad an-

F 3 ni

( h ) Loc. cit.

( i ) Pag. 14. & Aphor. 23. 25. 30.



ni tempus, durationem, progressum, (1) corporum naturam, situm maris, aliaque plurima, indicat, a quibus cum certe maximam capturum quemlibet utilitatem pateat, Auctor idcirco sum, ut Cl. hujsce Viri egregius liber a salutaris artis cultoribus legatur.

11. Symptoma occurrit in morbo Venereo cujus explicationem nec Astrucius nec alii aptam haecenus proposuerunt. Cum in pene aliqua est affectio, speciatim dum ulcera in eodem sint, frequenter observatur rigens chorda, non absimilis a forma exilis intestini juxta membri hujus longitudinem procurrentis: Nonnumquam binæ, in singulis scilicet lateribus adsunt. Initio percipitur in extremo pene ab affecta parte procedens, sed continuo extenditur ad radicem hujus organi, frequenterque ejus ductus continuatur in Pubis parte adiposa versus inguina. Ex ipso ductu patet non esse nervum, arteriam, aut venam. Conjicit Hunterus (m) esse vas lymphaticum veneno contento obduratum, sed ex dissectione, hujus rei testimonium habere non potuit.

12.

(1) In utraque dissertatione.

(m) Medic. Commentaries pag. 21.

12. Quæ porro per inunctionem curatio, utcumque in singulis glandularum morbis ex lue Venerea derivatis utiliter usurpetur, in ejus tamen usu binæ palmares animadvertendæ occurrunt indicationes, ut nimirum opportuno anni tempore instituatur; tum vero ut æger neque acuta febre, nec alia qualibet gravi ægitudine detineatur. Quibus præmissis tutiorem futuram esse curationem, docet experientia, si priusquam eadem usurpetur, per dies aliquot lignorum decocto superius num. 9. memorato, addita falsa Perilla imbuatur æger, & ad horæ spatium in Balneum tepentis aquæ mergatur quotidie, quo nimirum referatis cutis ostiolis, mercurio postmodum subituro facilior via paretur. Quem quidem balneorum usum, non tantum in morbis Mercurio prædicta ratione curandis saluberrimum esse judico, verum etiam in pluribus aliis, iisque præsertim in quibus universum lymphaticorum systema affectum esse cognoscitur. Cæterum qui morbi hyemali præsertim tempore ex lue Venerea in glandulis conglobatis erumpunt, (quippe quod minime opportunum balneis & inunctioni videtur, etsi aliquando feliciter



soleat institui) alia prorsus ratione curari debent quemadmodum ex hisce binis observationibus apparebit. Anno superiore in Nosocomio curandum suscepi militem suppurato Bubone affectum, alias virulentam gonorrhæam passum, qui Bubo in fordidum ulcus abierat, proximamque minitabatur gangrænam. Præmissis igitur iis, quæ febrim, cœteraque symptomata cohibere poterant, ulcus interim serpendo sensim prægrande factum est, morbifica ibidem determinata labe. Quare alvo primum & identidem per clysterem subducta, Mercurii dulcis ad grana quinque, cum Extr. lig. S. & Card. Bened. in bolum redacti singuli diebus mane exhibui & pro potu quotidiano decocto lignorum uteretur jussi, non omissis in ulcere digerentibus cum antisepticis commixtis. Horum vi sensim effectum est, ut sublato per benignam diaphoresin, & uberrimam ulceris suppurationem miasmate, detersum ulcus, nova repletum substantia & cicatrice obductum fuerit, ægerque post duos fere menses convalesceret. Hæc autem dum scribo, curationem in Nosocomio ad exitum perduxì hominis annorum circiter triginta, temperamenti calidi & humidi, strumoso ulcere

ad



ad latus colli dexterum , duobus exhinc  
 annis affecti , cui ferme innumera reme-  
 dia externa vix quicquam profecerunt .  
 Eruperant autem huic strumæ , ex quo  
 virulenta gonorrhæa correptus , paucos in-  
 tra dies ab Empirico curatus fuerat . Huic  
 autem in Nosocomium recepto , catharsi  
 procurata per Pillul. Belloste dr. i. iussi ,  
 ut singulis diebus libras decem decocti  
 ex lignis biberet , quo vasa singula im-  
 buerentur . Elapsis octo diebus iterum eo-  
 dem Cathartico alvo reſerata , sangui-  
 nem altera die ex brachio mitti cura-  
 vi , quo Plethora minueretur : deinde  
 eandem inivi curandi rationem quam  
 paulo ante descripsi . Interim vero ulce-  
 ratis glandulis nonniſi commune digerens  
 applicavi , quo ſollicitata puris ſeparatio-  
 ne , ipſarum durities & tumefcentia non-  
 nihil minueretur . His autem factum eſt ,  
 ut tertia die ſudor quotidie mane erum-  
 pere cœperit , & multo uberior glandula-  
 rum ſuppuratio conſequuta fuerit , pernicioſo  
 tamen nullo apparente ſymptomate , exce-  
 pta tantum ulceris dilatatione , quod blan-  
 dioribus ſemper digerentibus antifepticis  
 ſuffectis fovere volui , donec ſponte quaſi  
 ſua ſeroſo , tenui humore ſenſim imminu-  
 to ,

**\*\* LXXXII \*\***

to , simulque sudore evanescente , quadraginta dierum spatio, Unguento ex gummi & resinis confecto, ulcus feliciter glutinatum est .

**F I N I S .**

















